

Aðalfundur Hmf. Skugga, fyrir starfsárið okt. 2015 – sept. 2016, haldinn í Félagsheimilinu Vindási 06. desember 2016, kl. 20:00

Skýrsla stjórnar.

Stjórn félagsins sem kosin var á síðasta aðalfundi Skugga þann 26. nóvember 2015 hefur verið þannig skipuð:

Stefán Logi Haraldsson, form., Reynir Magnússon, varaform., Kristján Þ. Gíslason, ritari, Svanhildur Björk Svansdóttir, gjaldkeri og Sigurpór Óskar Ágústsson, meðstj.

Varastjórn hafa skipað þær: Sigríður Jóna Sigurðardóttir, Auður Ásta Þorsteinsdóttir og Erla Rún Rúnarsdóttir, en varastjórn hefur einnig verið boðuð til allra funda stjórnar.

Stjórn Skugga hefur á starfsárinu haldið 10 bókaða stjórnarfundum, auk fjölmargra óformlegra funda stjórnarmanna með nefndum félagsins og fulltrúum annarra hestamannafélaga á Vesturlandi, starfsmönnum sveitarfélagsins og fleiri aðilum er tengjast starfseminni. Þá hafa formaður og aðrir stjórnarmenn sótt formannafundi og sambandsþing hjá UMSB. Formaður og gjaldkeri sóttu formannafund hjá LH, s.l. haust og síðan voru fjórir fulltrúar frá Skugga sem sóttu landsþing LH, í Stykkishólmi í október s.l. Þá var formaðurinn fulltrúi félagsins á aðalfundum í hlutafélagunum Reiðhöllin Vindás ehf. og Selás ehf.

Stjórnin hóf starfsár sitt, að venju, á að fara yfir áherslur fyrir starfið framundan og að vanda var byrjað á því að skipta nefndum félagsins niður á ábyrgðarsvið stjórnarmanna, en þar er markmiðið að hver stjórnarmaður beri ábyrgð á að starf viðkomandi nefnda sé virkjað og þá um leið að viðkomandi stjórnarmaður sé tengiliður stjórnar við þá nefnd. Þetta er liður í að dreifa starfinu í stjórninni og reyna að tengja sem best starf stjórnar við nefndir og starfsemina almennt í félaginu. Þetta kerfi, sem við höfum viðhaft um nokkurra ára skeið finnst okkur gefast þokkalega.

Starfsemi í nefndum var, eins og gjarnan verður, mismikið á starfsárinu og sumar nefndir félagsins hafa lítið látið til sín taka á árinu á meðan aðrar nefndir félagsins hafa haft í miklu að snúast og drifið áfram öflugt og gott starf í félaginu. Það ætti ávallt vera áskorun okkar fyrir komandi starfsár að gera betur en áður og reyna á allan hátt að virkja fleiri félag til starfa. Það mun verða vikið betur að starfi einstakra nefnda í skýrslunni hér á eftir.

Upplýsingagjöf til félagsmanna um viðburði og starfsemina hefur sem fyrr að mestu farið fram í fréttum á heimasíðu félagsins, fésbókarsíðu félagsins og með fjölpósti á netfangalista félagsins.

Heimasíðan okkar er enn mjög þýðingamikill miðill til að hafa samskipti við félagsmenn og aðra sem vilja fylgjast með starfi okkar en þó má segja að þessi miðlun sé í æ ríkari mæli að færast yfir á aðra samfélagsmiðla, eins og t.d. Facebook (fésbókina). Ég vil nú enn og aftur hvetja alla félagsmenn til að skoða heimasíðuna okkar reglulega og láta frá sér heyra þegar einhverju þarf að koma til skila, sem erindi á til félagsmanna okkar og annarra hestaáhugamanna. Eins hvet ég félagsmenn til að senda formanni og öðrum stjórnarmönnum línur til að koma á framfæri góðum ábendingum, fyrirspurnum og uppbyggilegri gagnrýni á það sem betur má fara í starfinu okkar – það verður bara vel þegið.

Þá vil ég sérstaklega hvetja félagsmenn til að láta okkur í stjórninni vita þegar breytingar verða á netföngum félagsmanna og enn eru allt of margir félagsmenn sem hafa ekki gefið upp neitt netfang, sem veldur ákveðnum vandamálum þegar verið er að koma orðsendingum á framfæri við alla félag.

Félagatalið okkar taldi nú, fyrir þennan aðalfund, **292** félagsmenn og hafði þeim fjölgað á starfsárinu um **23**, nýir félagar eru samtals **34** en þeir félagar sem hafa óskað eftir afskráningu af félagaskrá eru **11**, en auk þeirra eru nú á aðalfundinum, því miður, **6** félagar sem felldir verða af félagaskrá vegna vanskila á árgjöldum, en þeir félagar hafa ekki sinnt áminningum um uppgjör fyrir aðalfundinn og er leitt að horfa á eftir félagsmönnum á þann hátt. Það þýðir því að félagatalið telur þá **286 - félagsmenn** í upphafi komandi starfsárs.

Mótahald var fyrirferðamest í öllu starfi félagsins á þessu ári, þetta var eitt allsherjar mótaár og reyndi verulega á mótanefnd félagsins og ekki á neinn hallað þó sagt sé að Kristján Þ. Gíslason, formaður mótanefndar hafi verið algjör ofurmaður í öllu starfi við mótahaldið. Veturinn var bara forsmekkurinn á það sem síðar kom, en þá voru haldin hefðbundin þrjú KB-mót, í samstarfi við Hmf. Faxe (þar sem Kaupfélag Borgfirðinga styrkir mótahaldið myndarlega) og rann allur ágóði af því mótahaldi til rekstrarfélags reiðhallarinnar, Selás ehf. Síðan þegar kom fram á sumarið tók hvert mótið við af öðru, firmamót Skugga, íþróttamót Skugga og Faxe, gæðingamót Skugga og Faxe, úrtaka félaganna á Vesturlandi – fyrir landsmótið á Hólum, íslandsmót yngri flokka hér í Borgarnesi, hestaíþróttamót á unglíngalandsmóti hér í Borgarnesi og síðast Bikarmót Vesturlands, sem einnig var haldið hér í Borgarnesi. Hmf. Skuggi sendi að sjálfsgöðu fullskipaðan hóp á landsmótið á Hólum og var frammistaða okkar þátttakenda með ágætum. Þá sigruðum við í Skugga Bikarmót Vesturlands með talsverðum yfirburðum.

Íþróttamót okkar og Faxe var styrkt sérstaklega af Arionbanka, sem gerði það í raun kleift að skila því móti með góðum hagnaði og kunnum við Arionbanka bestu þakkir fyrir góðan stuðning. Hins vegar var gæðingamótið okkar ekki með sérstakan styrktaraðila, eins og í fyrra – en þátttakan í því var frekar dapur og afkoman verulega í mínus. Bikarmótið var hinsvegar vel lukkað, mikil þátttaka og ágætis afkoma á því móti. Sameiginlega úrtakan með félögum á Vesturlandi skilaði einnig þokkalegri afkomu.

Íslandsmót yngri flokka, í hestaíþróttum, á vegum LH var haldið hér í Borgarnesi dagana 14.-17. júlí s.l. Var þar lagt fram gríðarlegt starf af hálfu félaga í Skugga og nutum við einnig góðrar aðstoðar frá nágrönnum okkar og vinum í Faxe, Glað og Dreyra sem lögð fram fjölda starfsmanna yfir mótisdagana. Framkvæmdanefnd var kosin fyrir mótið og skipaði hana átta félagar í Skugga, Stefán Logi Haraldsson, formaður nefndarinnar, Kristján Þ. Gíslason, Svanhildur Svansdóttir, Auður Ásta Þorsteinsdóttir, Marteinn Valdimarsson, Rósa Emilsdóttir, Sigurður Arilíusson og Jökull Helgason. Þessir aðilar lögðu allir mikla vinnu fram við undirbúning og framkvæmd mótsins, ásamt mörgum öðrum félögum sem stóðu sig frábærlega við framkvæmd og undirbúning mótsins. Vil ég hér með nota tækifærið og þakka af heilum hug öllum þeim sem lögðu fram ómælda og ómetanlega sjálfböðavinnu við framkvæmd mótsins, sem varð fyrir vikið okkur í Hmf. Skugga til mikils sóma. Hápunktur íslandsmótsins, fyrir okkur Skugga-félaga, var síðan þegar okkar maður Máni Hilmarsson varð íslandsmeistari í fimmgangi ungmenna, sem var aldeilis frábær árangur og er Mána Hilmarssyni óskað innilega til hamingju með þennan frábæra árangur.

Undirbúningur og ákvörðun keppnisgreina hefði mátt vera markvissari og nauðsynlegt er að LH sé búíð að setja fastar reglur um hvaða greinar skuli vera í boði. LH þarf yfir höfuð að hafa betri yfirsýn og umgjörð um þessi mót sem félögin eru að halda til skiptis og hafa því miður lítið að byggja á frá LH.

Það urðu leiðinleg mistök við útreikning á samanlögðum árangri í ungmennaflokki, en þar hafði innsláttarvilla í Kappa þau áhrif að rangur knapi var kallaður upp og verðlaunaður, en þegar í ljós kom (eftir ábendingu frá réttum sigurvegara) að mistök höfðu átt sér stað þá var það snarlega leiðrétt með góðu samkomulagi á milli viðkomandi einstaklinga, en þó leiðinlegt fyrir alla aðila þar sem myndatöku af réttum samanlögðum sigurvegurum var ekki möguleg.

Skráningafrest hefði þurft að hafa fyrr en gert var hjá okkur (05. Júlí), þar sem töluverðan tíma tekur að stilla svona móti upp og koma í handrit fyrir mótsskrána. Ekki var það nú að bæta um fyrir okkur að skráningar á þetta íslandsmót var það mesta sem verið hefur frá upphafi, eða um 560 skráningar. Fyrir vikið var allt of mikið um að prentuð mótsskrá var orðin ómarktæk strax við upphaf mótsins, þar sem margar leiðréttingar komu fram eftir að mótsskráin var komin í prentun. Prentun mótsskrár var þó með minnsta mögulega fyrirvara (prentað 11.-12. Júlí).

Matarmál starfsmanna tókust með miklum ágætum og var þar frábærlega staðið að verki. Mikilvægt er að hafa sérstaka aðstöðu fyrir starfsmenn mótsins, fyrir mat og kaffi, þar sem dómara og starfsmenn hafa næði og geta borið saman bækur sínar. Efri hæðin á reiðhöllinni reyndist mjög góð staðsetning fyrir neyslúhlé starfsmanna. Halldóra Harðardótti og hennar lið matreiddu frábæran og fjölbreyttan heitan mat og kaffimeðlæti var einnig vel útfært.

Félagsheimilið þjónaði vel sínum tilgangi fyrir keppendur og aðstandendur þeirra og var skipulag og sú þjónusta sem þar var í boði til mikillar fyrirmyndar og frábærlega stjórnað af Auði Ástu, sem sá um alla mönnun þar.

Uppsetning og skipulag mótsins var algjörlega á herðum Kristjáns Gíslasonar, sem leysti það að hendi á aldeilis frábæran hátt. Vinnustundir Kristjáns við uppsetningu mótsins og allan tímann á mótinu eru alls ekki birtingarhæfar, en það er algjörlega einstakt að hafa svona yfirsýn og framkvæmdagetu á einni hendi, eins og Kristján hefur þegar kemur að mótahaldi, stóru sem smáu.

Skipulag hesthúsmála var vel unnið og útfært af Marteini, þannig að þörfum allra keppenda var mætt með miklum sóma og nóg var af góðu heyi, sem Siggí Arilúsar hafði veg og vanda af að útvega. Vissulega háði það okkur að hafa ekki getað hýst öll hross í Borgarnesi, meðan á móti stóð og ákveðið óhagræði var fyrir þá keppendur sem hýsa þurftu hross sín fyrir utan Borgarnes. Mikil þátttaka hafði þarna sitt að segja, en einnig er það áhyggjuefni að ekki skuli allir hesthúseigendur í Borgarnesi vera tilbúnir að leggja okkur lið með lánnum á sínum hesthúsum, þegar svona viðburður er haldinn af okkur í Skugga.

Svanhildur Svansdóttir stóð sig frábærlega sem framkvæmdastjóri fyrir Íslandsmótið, vann vel að söfnun auglýsinga í mótsskrána og almennt skipulag fyrir mótið. Samninga um rekstravörur og gistingu fyrir dómara. Starfsmannahaldið var síðan að mestu í hennar umsjá og leystist það á snilldarlegan hátt. Framkvæmdastjórinn var alltaf á tánnum við að útvega það sem kallað var eftir, meðan á mótinu stóð og höfðu dómara á orði að hún væri „rammgöldrótt“ og reddaði öllu sem að henni væri kastað.

Aðrir nefndarmenn voru vel virkir og sinntu sínum hlutverkum mjög vel. Jökull sá um að útbúa greinagott kort af svæðinu, þar sem mótsgestum var gerð góð grein fyrir skipulaginu. Þá voru Rósa og Auður Ásta alveg með samskiptin við framleiðendur verðlaunanna. Allir nefndarmenn unnu síðan baki brotnu við mótið sjálft, ásamt góðum hópi félagsmanna úr Skugga og Faxe og þá kom einng aðstoð frá félögum í Glað og Dreyra. Eyþór Gíslason var með sitt frábæra tölvukerfi fyrir dómara og eins við birtingu á öllum dómum á facebook og síðan bættist Svala í liðið um helgina.

Svæðið var til mikillar fyrirmyndar og þar nutum við m.a. liðsinnis frá starfsmönnum Borgarbyggðar, við slátt og umhirðu og einnig fengum við vinnuframlag frá unglíngavinnunni, við málun og snyrtingu. Ráðist var í frábæra andlitslyftingu á dómpallinum okkar, en þar tók Sigurður Arilússon sig til og klæddi skúrinn að utan og fékk við það dyggan stuðning frá Óla Þorgeirs, Steina Hjalta og Sigursteini Sig. Vallarnefndin sá síðan um að hafa vellina í flottu standi og eins kerruplanið, sem nýtt var sem bílastæði. Reynir og Simbi voru til staðar allt mótið og völtuðu og bleyttu, þegar þurfti á að halda.

Íslandsmótið tók verulega á alla sem við það störfuðu og ekki laust við að margir sem þar stóðu vaktina sem lengst hafi hugsað að nú væri komið nóg af svona stóru mótahaldi í bili. Það er þó ekki hægt að segja annað en við Skuggamenn séum haldin ákveðinni sjálfspíningsarhvöt þar sem við höfum að sjálfsgöðu sett stefnuna á að halda Fjórðungsmót Vesturlands hér í Borgarnesi á næsta sumri. Verið er að koma framkvæmdanefnd á laggirnar um það mót, þar sem öll félögin munu leggja á eitt með framkvæmd þess móts, en við skulum vera alveg klár á því að það kemur til með að mæða mikið á okkur Skugga-félögum við það mótshald. Skora ég hér með á alla sem tók hafa á því að bjóða fram krafta sína og taka virkan þátt í vinnu við Fjórðungsmótið næsta sumar.

Í sumar var ráðist í fjárfesting á nýju hljóðkerfi fyrir vallarsvæðið okkar, fjórir nýir hátalarar, mixer, míkrofónn, útvarpsendar, standar undir hátalara og mikið magn af allskonar köplum og dóti, sem fylgir. Er þessi fjárfesting færð í reikningum félagsins sem viðbót við eigfærð tæki og áhöld, en þessi fjárfesting var í heild um 700 þúsund. Hmf. Faxi vildi endilega taka þátt í þessari fjárfestingu með okkur og greiða þeir helminginn af heildarfjárfestingunni.

Æskulýðsnefndin stóð að vanda fyrir fjölbreyttu starfi á árinu og voru í byrjun starfsársins sett niður drög að starfinu framundan þegar haldinn var pizzufundur með krökkunum, þar sem fengnar voru m.a. hugmyndir frá þeim. Í félaginu eru á milli 30 til 50 börn, unglíngar og ungmenni, sem eru virk í starfinu og nýta það starf sem í boði er hjá félaginu. Bókleg kennsla í knapamerkinu hófst í október á síðasta ári í Grunnskólanum í Borgarnesi, en skólinn hefur lengi átt gott samstarf við félagið um bóklega hluta námsins og geta unglíngar í eldri bekkjunum t.d. tekið knapamerkið sem valfag. Síðasta vetur voru heldur færri þátttakendur í knapamerki barna og unglínga en mörg undanfarin ár. Fjórir nemendur tóku þátt í knapamerki nr. 1, fimm nemendur hófu nám í knapamerki nr. 3, en þrír af þeim nemendum heltust síðan úr lestinni. Þrír nemendur tóku síðan þátt í knapamerki nr. 4. Heiða Dís Fjeldsted sá um knapamerkin, svo sem áður og skilaði þar góðu starfi, að vanda. Keppnisnámskeið voru haldin í tengslum við

vetrarmótin og síðan sumarmótin, en um þau námskeið sá Bjarki Þór Gunnarsson og fylgdi hann þeim eftir í keppnum sumarsins og á landsmótinu. Þá var haldið almennt reiðnámskeið fyrir byrjendur, minna og meira vana, á aldrinum 5-12 ára, sem Bjarki Þór sá einnig um. Mörg fleiri viðfangsefni voru skipulögð af Æskulýðsnefndinni, svo sem páskaeggjaleit um páskahelgina og Æskulýðsdagur Skugga (Vesturlands). Æskulýðsdagurinn var nú haldinn þriðja árið í röð hjá okkur í Skugga og var öllum hestamannafélögum á Vesturlandi boðið að vera með, sem öll félögin þáðu þetta árið. Æskulýðsdagurinn var haldinn 21. maí, s.l., sem lokahnykkur á vetrarstarfið og tókst sá viðburður með miklum ágætum, var frábær í alla staði. Krakkarnir okkar voru síðan dugleg að taka þátt í mótum á starfsárinu og ekki annað að sjá en mikil gróska geti verið í okkar æskulýðsstarfi framundan, þó vissulega sjáist nú að þeir stóru árgangar sem haldið hafa keflinu svo vel á lofti undanfarin ár eru komnir uppúr þessu hefðbundna æskulýðsstarfi og mörg þeirra orðið fullorðnir þátttakendur í hestamenskunni og keppnum tengdum henni og ekki komið jafn stórir árgangar nú undanfarir. Æskulýðsnefndin hefur útbúið ársskýrslu um starfið, sem send var inn til Æskulýðsnefndar LH og vísa ég í hana með frekari útfærslu á starfinu. Skýrsluna má nálgast á heimasíðu LH, undir Æskulýðsmál.

Beitarmálin hjá okkur í Skugga voru með svipuðu sniði og fyrri ár en ásókn í hagabeit var þó örlítið meiri í ár, með um 270 hross skráð í sumarbeit, um 80 hross skráð í haustbeit og um 80 hross skráð í heilsársbeit. Beitarnefndin sá um úthlutun beitarhólfanna og umsjón með þeim, sem fyrr og gekk það nokkuð vel fyrir sig og vandamálalaust að útvega beit fyrir þau hross sem sótt var um fyrir.

Beitarnefndin hefur það hlutverk að sjá um að framfylgja leigusamningum okkar við Borgarbyggð og Holtslandið og uppfylla þau ákvæði sem þar er að finna, svo sem smölun á haustin o.þ.h. Beitarsamningurinn við Borgarbyggð er enn óendurnýjaður og gengur lítið að fá sveitafélagið til að ganga í endurnýjun, en meðan samningnum er ekki formlega sagt upp af hálfu sveitafélagsins þá framlengis hann um ár í senn og er samningurinn því í gildi út næsta ár, að minnsta kosti. Vonandi fer nú að draga til tíðinda með gerð á nýjum beitarsamningi við sveitafélagið og þarf sá samningur að vera á svipuðum nótum og núverandi samningur en þó væntanlega aðlagður að þeim breytingum sem orðið hafa, eitthvað aukið beitarsvæði og vonandi með afdráttarlausari niðurstöðu um raunverulegt beitarland sem okkur er ætlað í samningnum.

Skammtímabeitin á félagssvæðinu, í kringum hesthúsin í Borgarnesi, hefur verið úthlutað samkvæmt fyrirmælum sem stjórnin hefur útbúið og í samráði beitarnefndar og stjórnar, allt of mikill misbrestur fannst mér vera á að hesthúseigendur fari eftir þeim reglum sem settar hafa verið og því miður hefur of mikið borið á því að girðingarnar haldi ekki hrossunum yfir daginn og enn er eitthvað um að viðkomandi notandi virði ekki þá grundvallarreglu að skammtímabeit á ekki að nýta yfir nóttina, úthlutað beitarhólf og hesthúsin verða að vera þau úrræði sem nýtt eru fyrir hrossin á nóttinni. Stjórn félagsins hefur áhyggjur af því að þessi mál haldi áfram að þvælast fyrir okkur og því er lagt til að við samþykkt á beitargjöldum ársins, þá verði tekin upp gjaldtaka fyrir skammtímabeitina, með skýrum skilgreiningum á tímalengd hvers leigutíma og svæða.

Reiðveganefnd sá að vanda um að sækja um fjármagn til reiðvegagerðar og uppskáru á starfsárinu um 1.300 þúsund til félagsins af reiðvegaúthlutun Vegagerðarinnar og voru þeir fjármunir nýttir að fullu og rétt rúmlega það. Mikið starf er þó enn framundan í reiðvegagerð hjá okkur og væri það mjög kærkomið ef meira fjármagn væri til ráðstöfunar frá ríki og sveitafélagi. Reiðveganefndin var vel á verði með að úthlutun í fjórðunginn væri nýtt við síðustu áramót og tókst að fá viðbótarfjármagn við úthlutun okkar, vegna þess. Skýrsla reiðveganefndar verður flutt hér síðar á fundinum og vísa ég því til hennar með nánari greiningu á starfsemi nefndarinnar á starfsárinu.

Umhverfisnefnd félagsins hafði veg og vanda af árlegum tiltektardegi í hesthúsahverfinu og var því miður lítil þátttaka í þeim degi af hálfu okkar félagsmanna og mættum við vissulega bæta þar um. Nefndin var auk þess að ýta við félögum að fjarlægja rusl af kerruplani og rúlluplani, einhver tiltekt varð á þeim svæðum í framhaldi af því. Umhverfismálin á félagssvæði okkar þurfa og ættu að vera stöðugt í huga okkar hestamanna og hesthúseigenda því svæðið okkar þarf að vera okkur til sóma sérstaklega núna þegar aukin starfsemi fer fram á svæðinu með hverju ári og má sérstaklega minna á Fjórðungsmótið sem verður áberandi viðburður á svæðinu næsta sumar. Vel væri við hæfi að hesthúseigendur tækju sig nú saman og máluðu húsin og gerðin, auk þess að endurbæta þar sem þörf er á, fyrir komandi sumardagskrá. Einnig vil ég enn og aftur minna á að samkvæmt samþykkt um hesthús og umgengni í

hesthúsaðverfinu í Borgarnesi, er orðið skylda að öll hesthús í hverfinu okkar eiga að vera með lokaðar taðþrær, reglugerð hefur verið sett um það og ber okkur að fara eftir því.

Hestamannafélagið Skuggi hefur nú um nokkurra ára skeið séð um að útvega og greiða fyrir ruslagám og rúlluplastgáma í hesthúsaðverfinu. Þar hafa verið skýr fyrirmæli um að í rúlluplastgáma eigi einungis að henda rúlluplasti, en alls ekki neti utan af rúllum, baggaböndum eða heyi – allt annað rusl en rúlluplastið á að fara í ruslagám. Gámarnir voru s.l. vetur vel merktir, þar um, en þrátt fyrir það var verulegur misbretur á að allir notendur væru vel læsir, eða skeyttu nokkuð þar um, sem er frekar sorglegt. Gámaþjónustan er á báðum áttum um hvort þeir eigi að hætta að útvega okkur þessa rúlluplastgáma (sem hafa verið okkur að öllu kostnaðarlausir). Ekkert blasir því við okkur annað en að hestamenn þurfi allir að fara með sitt rusl á gámastöðina við Sólbakkann – þar sem félagið ræður tæplega við að þurfa að greiða fyrir losun á öllu því rusli sem þarna til fellur, þar með talið allt rúlluplastið! Þetta er að kosta okkur allt of mikið nú þegar, eykst bara á hverju ári og athugið það að þarna er félagið að greiða úr sjóðum sínum í þágu tiltölulega fárra hesthúseigenda- og notenda!

Fræðslu- og kynbótanefnd félagsins var ný og breytt nefnd á þessu ári og kom inn með kraftmiklu og góðu starfi, undir metnaðarfullri forystu Önnu Berg. Haldið var reiðnámskeið fyrir fullorðna með Didda Bárðar, sem var vel sótt (11 skráðir) og frábærlega heppnað, farið var í hópferð á Stóðhestaveisluna 2016, sem haldin var í Sprett-höllinni og tókst sú ferð afar vel og þátttaka í henn mjög góð. Þá var haldið fræðsluerindi um tannhirðu hrossa, sem Sonja Líndal Þórisdóttir, gerði frábærlega og í framhaldinu eru líklega flest hrossin okkar búin að fara í tannheilbrigðis-skoðun, sem er virkilega þarft og ábyrgt. Haldin var hnakkakynning í reiðhöllinni, þar sem Benni Líndal auglýsti kynningu á Bennys-harmony hnökkunum sínum og mættu þar áhugasamir hestamenn og eitthvað tókst Benna að selja af hnökkum, í framhaldi af þessari góðu sölu-kynningu.

Þá stóð nefndin fyrir því að efnt var til Knapamerkis fyrir fullorðna, 1-2 og var þátttaka í því alveg mögnuð, en það tóku þátt í því 11 félagar og komust þeir allir í gegnum það með glæsibrag.

Starf Fræðslu- og kynbótanefndar stóð alveg undir sér fjárhagslega, þar sem þátttakendur í námskeiðum og knapamerki greiddu að fullu fyrir sína þátttöku og því enginn kostnaður sem féll á félagið.

Ferðanefnd Skugga stóð að vanda fyrir fjöruferð í Rauðanesfjörur, um páskana og síðan var auglýst síðsumarferð í lok ágúst s.l., þar sem farið var að Seljalandi í Hörðudal og var þátttaka í þeirri ferð bara nokkuð góð og gistu 15 manns þar, með 72 hross í náttuga. Þá stóð Ferðanefndin fyrir þremur fjölskyldureiðtúrum, í byrjun mars, apríl og maí og þó þátttaka hafi verið misjöfn þá var nefndin að sýna þarna mjög góða viðleitni til styttri ferða um helgar sem vonandi verður framhald á og þá aukin þátttaka okkar hestamanna í þeim viðburðum.

Firmanefnd sló öll fyrri met í söfnun áheita fyrir firmakeppni félagsins, sem haldin var 01. maí, s.l. Hugmyndir hafa verið á kreiki í stjórn félagsins að fara nú að brydda uppá einhverjum breytingum og skemmtilegheitum í þessari firmakeppni og breyta henni meira yfir í skemmtilega samveru og léttleika í stað þessa keppnisforms sem við höfum nú orðið þó nokkuð mikið af fyrir á öðrum vettvangi.

Skemmtinefnd Skugga skilaði flottu starfi á starfsárinu, bryddað var uppá ýmsum nýjungum, svo sem skötuveislu í félagsheimilinu á Þorláksmessukvöld, þorrablót í félagsheimilinu, skemmtikvöld og margt fleira skemmtilegt.

Kaffinefnd félagsins stóð sig með miklum sóma og skilaði góðu starfi og góðum tekjum í ár, fleiri mót voru haldin, en á fyrra ári. Það eru oft langar vaktir sem nefndarmenn þurfa að standa og undirbúningur gjarnan töluverður fyrir mótsdagana, svo sem við bakstur og eldamennsku. Nefndarfélagar og aðrir velunnarar eiga mikið hrós skilið fyrir starfið í sumar.

Rafmagnsnefnd félagsins hafði heldur minni umsvif á árinu í viðhaldi og nýlögnum á félagssvæðinu heldur en oft áður. Búið var að skipuleggja töluverða vinnu við viðhald og endurbætur nú í haust, þegar formaður nefndarinnar slasaðist og því varð einhver frestun á þeim endurbótum. Rafmagnsnefndin hefur þó með höndum eftirlit með öllu rafmagni á svæðinu og þarf auk þess að sinna reglulegum álestrum og innheimtu rafmagnsgjalda. Sú nýbreytni verður nú við framlagningu reikninga félagsins, að ársuppgjöri rafmagnsnefndar er nú dreift með ársreikningnum. Næsta verkefni nefndarinnar verður að líkindum lýsing á reiðleiðinni frá hesthúsaðverfinu yfir í reiðhöllina, við enda

gamla hringvallarins og í gegnum skógargróðurinn norðan við reiðhöllina, sem fyrirhugað var að ráðast í á liðnu starfsári en ekki komst til framkvæmda – einnig er viðhald á núverandi lýsingu í hverfinu ávallt aðkallandi.

Vallarnefndin sá til þess að vellirnir væru klárir fyrir mót og í góðu standi, valta og sanda o.þ.h. ásamt umhirðu á vallarsvæðinu. Miklar endurbætur voru gerðar á hringgerðinu (tunnunni) og skipt var um mól í gerðinu ásamt því að dreyna gerðið og þurrka. Þá var mikið átak gert í endurnýjun á kerruplani, þar sem við nutum góðs af því að verktaki þurfti að losna við mikið magn af uppgreftri úr götum í bænum. Kerruplanið var stækkað mikið og sléttað vel úr og þjappað þar, þannig að okkur eru orðinn verulegur sómi af þessu fína kerruplani. Stöplar undan gamla dómpallinum, rétt sunnan við félagsheimilið voru hreinsaðir burtu, enda voru þeir bara slysigildra fyrir áhorfendur af yngri kynslóðinni. Einhverjar endurbætur voru síðan unnar frekar á rúlluplaninu og þar bætt aðeins í planið og sléttað. Rétt er að árétta það enn og aftur að rúlluplanið er eingöngu ætlað fyrir heyrúllur og bagga, ásamt vélum og tækjum til heyflutninga og kerruplanið er síðan eingöngu ætlað fyrir hestakerrur. Þessi svæði eru alls ekki til notkunar fyrir alls konar járnarusl og tæki, sem hafa ekkert með hey- eða hestaflutninga að gera.

Húsnefnd félagsheimilis hafði heldur hægara um sig en á fyrra ári, þar sem miklar endurbætur hafa verið gerðar og sést það vel í leigutekjum af félagsheimilinu að þessar glæsilegu endurbætur eru farnar að skila sér í meiri ásókn eftir útleigu á sal og eldhúsi. Húsnefndin hefur þó á þrjónunum áform um að láta ekki staðar numið við það sem gert hefur verið, heldur er meiningin að innan skamms tíma verði klárað að ganga frá húsinu að utan og draumurinn er síðan að ráðast í gerða á veglegum palli, við langhliðina að austan og ganga frá útgönguhurð úr salnum og út á pallinn. Gjaldskrá fyrir leigu á félagsheimilinu má finna á heimasíðu félagsins og eins er hægt að hafa samband við hana Kristínu Erlu Guðmundsdóttir (Diddu húsörð), sem sér um útleigu og umsjón félagsheimilisins og er alveg vakin og sofandi yfir umgengni og ástandi hússins. Allir sem óska eftir afnotum af félagsheimilinu eiga að hafa samband við Diddu um öll afnot af húsinu.

Starfsemin í reiðhöllinni FAXABORG var með nokkuð hefðbundnu sniði á starfsárinu og mikil vinna var þar innt af hendi, m.a. af hálfu okkar fulltrúar í rekstrarfélaginu, Reyni Magg – sem var gjaldkeri hallarinnar, Jökli Helga, Hjálmfríði Jóhanns og Simba. Viðburðir voru nokkrir, eins og undanfarin ár, svo sem KB Mótariðin og Meistaradeild Vesturlands, sem var ný mótarið þeirra sem eru í okkar fremstu röð á Vesturlandi. Dansleikur var haldinn síðasta vetrardag og tóks með miklum ágætum. Því miður tókst þó ekki að koma á Vesturlandsýningu í höllinni, eins og undanfarin ár, þar sem áhugi á þátttöku var ekki til staðar hjá eigendum kynbóta- og glæsihrossa Vesturlands, að þessu sinni. Vonandi getum við komið þessari ágætu sýningu vestlenskra góðhrossa aftur á dagskrá í vetur. Þá var haldin hin ört vaxandi Mýrareldahátíð í höllinni, s.l. vor og var þar allt kexfullt af fólki og vel heppnað í alla staði, að sögn fróðra og viðstaddra aðila. Margt fleira mætti líklega tína til af viðburðum í höllinni og mikil traffík var þar yfirleitt um vetrartímamann – en töluvert rólegra í sumar og haust, þó var höllin að sjálfsögðu nýtt á íslandsmóti yngri flokka í sumar og eins yfir unglíngalandsmótið, um verslunarmannahelgina. Á aðalfundi í Selás ehf., nú í haust urðu breytingar á fulltúum okkar í reiðhallarstjórninni (Selás ehf.) og eru fulltrúar okkar á nýhöfnu starfsári þau María Magnúsdóttir, Jón Kristinn Kristjánsson, Hjálmfríður Jóhannsdóttir og Sigurbór Óskar Ágústsson. Vil ég nota hér tækifærið og þakka þeim Reyni Magg og Jökli Helga, fyrir þeirra störf í fráfarandi reiðhallarstjórn, um leið og ég óska nýkjörinni stjórn velfarnaðar í starfinu frammundan, en þetta er auðvitað og hefur verið óeingingjörn og lítið þökkuð sjálfboðavinna. Eitt er rétt að tiltaka til viðbótar vegna starfseminnar í reiðhöllinni, en það er umgengnin í höllinni, við þurfum stöðugt að vera á verði með að ganga vel um höllina og minna stöðugt hvort annað á mikilvægi þess. Settar voru upp öryggismyndavélar nú í haust og vonandi verður tilkoma þeirra til að minna okkur á að ganga vel og þrifalega um þetta óviðjafnanlega mannvirki okkar.

Reiðhöllin Vindási ehf., félagið sem heldur utan um eignarhaldið á reiðhöllinni, er bæði skuldlaust og veðbandalaust og hefur félagið verið fjármagnað af leigugreiðslum frá Selás ehf., en rekstrarfélagið hefur, því miður, ekki ráðið við að greiða að fullu þá leigu sem reiknuð er, en er þó að greiða nóg til að eignarhaldsfélagið geti greitt sinn rekstrarkostnað sem er um 1,2 milljón á ári, til m.a. útgjalda við tryggingar og fasteingangjöld. Fyrir dyrum er enn að ganga frá rekstrarsamningi við sveitafélagið Borgarbyggð, eins og tíðkast um önnur íþróttamannavirki og hafa viðræður átt sér stað við sveitafélagið um þau mál og vonandi einhverra tíðinda að vænta fljótlega þar um.

Eitt sérverkefni langar mig að minnast á hér í lokin, en í lok mars, s.l., eða í dymbilvikunni fyrri páska, leituðu formaður LH, Lárus Ásmar og landsliðsvaldurinn, Páll Bragi Hólmarsson, til okkar um að hýsa Afrekshóp LH, sem verið var að koma á laggirnar hjá þeim og er fyrir ungmenni til undirbúning fyrir landslið framtíðarinnar í hestaíþróttum. Tókum við á móti þessu 20 manna hóp og létum þeim í té aðstöðu í félagsheimilinu og í reiðhöllinni, í þrjá daga, ásamt því að útvega þeim kokk sem sá þeim fyrir fæði þessa dagana – sem þau greiddu að sjálfsögðu fyrir. Aðstöðu okkar lögðum við þó fram endurgjaldlaust og var mikil ánægja með okkar móttökur hjá þátttakendum og landsliðsvaldi. Fór meira að segja svo að hópurinn kom aftur mánuði síðar í mun styttri tíma þá.

Nú hef ég hlaupið yfir það helsta í starfinu hjá okkar í Skugga á liðnu starfsári og reynt að koma sem flestum atriðum að, en væntanlega hefur eitthvað gleymst, sem vert hefði verið að geta um. Starfsemi félagsins hefur verið mjög öflug og góð, á árinu, að mínu mati, þó vissulega megi mikið meira gerast í einhverjum málaflokkum okkar. Ég merki góðan samhug og vilja í félagsmönnum þegar rætt er um hin ýmsu verkefni sem vert væri að taka sér fyrir hendur í félaginu og það sýndi sig vel í mikla átaks-verkefninu okkar í sumar, við framkvæmd íslandsmóts yngri flokka fyrir LH. Okkur eru allir vegir færir ef við stöndum þétt saman og ef vilji félaganna er fyrir hendi. Sjálfboðaliðastarf eins og unnið er í þessu félagi er ekki alltaf sjálfgefið og sjálfsgagt, en það er alveg magnað að upplifa oft hvað í félaginu leynist oft mikill framtakskraftur, þegar við viljum virkja hann, það hafa dæmin sýnt okkur undanfarin ár. Stjórn félagsins hefur vissulega ákveðnar skyldur til frumkvæðis og að drífa starfið áfram, en ég hvet alla félagsmenn og kjörna nefndarmenn til að líta sífellt í eigin barm og spyrja sig; Hvað get ég gert til að koma þessu eða hinu í framkvæmd fyrir félagið okkar?

Ég vil að lokum þakka öllum félagsmönnum fyrir gott samstarf á árinu og þá vil ég þakka sérstaklega þeim fjölmörgu félagsmönnum sem starfað hafa í nefndum félagsins, eða sinnt öðrum verkefnum og óeigingjörnu sjálfboðastarfi fyrir félagið, á starfsárinu.

Vil ég því næst færa meðstjórnarmönnum mínum góðar þakkir fyrir frábært samstarf á árinu, en þau hafa að vanda verið öflug í samstarfi og lagt mikið að mörkum við starfið í félaginu okkar. Það hefur verið mér sannur heiður að vinna með þessu ágæta fólki sem setið hefur í stjórninni.

Nú ber svo við að allir stjórnarmenn munu gefa kost á sér til áframhaldandi stjórnarsetu.

Sjálfur er ég þó ennþá þeirrar skoðunar að minn tími í stól formanns félagsins sé orðinn vandræðalega langur og nauðsynlegt og hollt væri fyrir félagið að skipta um forystusauð, en niðurstaðan er sú að uppstillinganefndin leggur það til hér síðar á fundinum að ég gegni þessu hlutverki áfram og get ég fallist á að verða við því, enn eitt árið. Ykkar er þó valið og yrði enginn sem staddur er hér í dag glaðari en undirritaður ef einhver annar félagi hefði áhuga á að stýra þessum félagsskap inn í komandi framtíð.

Ég læt nú máli mínu lokið í bili og þakka góða áheyrn!

Stefán Logi Haraldsson, formaður